

## Աղա ՍԱՐԳԱՅԱՆ

### ՕՏԱՐԱԲԱՆՈՒԹՅՈՒՆՆԵՐԻ ՌՃԱԿԱՆ ԱՐԺԵՔԸ ԶԽԱԼԱՓՅԱՆԻ ՍԵՂԴԱԳՈՐԾՈՒԹՅՈՒՆՆԵՐՈՒՄ

Զ.Խալափյանը 20-րդ դարի երկրորդ կեսի արձակագիրներից է՝ հեղինակ, որի ստեղծագործությունը համարյա թե ուսումնասիրված է, ավարտել է ԵՊՀ ֆիզիկամաքնագիրական ֆակուլտետը և աշխատել Երևանի գիտահետազոտական տարրեր ինստիտուտներում որպես նախագծող ինժեներ: Առաջին հայացքից այսպիսի «ոչ գրական» կենսագորություն ունեցած մարդը որևէ կապ չուներ է ունենար գեղարվեստական գրականություն հեղինակելու հետ: Մյուս կողմից՝ Զ.Խալափյանը բազմաժանր գրող է, նրա ստեղծագործությունների հիման վրա նկարահանվել են ֆիլմեր («Թքենին», «Որտե՞ղ էիր, մարդ աստծո»), նա հարստացրել է հայ բատերգությունը անգամ Հայաստանից դուրս (Լենինգրադ, Ռիգա, Պյատոն, Բլագովրադ, Եյառլյայ) հաջողությամբ բեմադրված մի շարք այիններով: Իսկ վերջիններից առավել ճանաչվածները՝ «Հրաշք երեխան» և «Օրորոցայինը», բատերագետները դասել են 20-րդ դարի 60-70-ական թվականների հայ դրամատուրգիայի նվաճումների շարքում<sup>1</sup>:

Զ.Խալափյանի ստեղծագործություններում հանդիպող օտարարանությունների ուսումնասիրման համար ընտրվել են նրա երեք ժողովածուները՝ «Եվ վերադարձնելով Ձեր դիմանմկարը» (1978թ.), «Չերմանց միսիքարություն» (1979թ.) և «Որտե՞ղ էիր, մարդ աստծո» (1983թ.), որոնցում գետեղված են հեղինակի 60-70-ական թվականներին գրված գործերը:

Գեղարվեստական գործերում օտարարանություններն իրենց ուրույն տեղն ունեն, որովհետև հեղինակները նրանցով ստեղծագործական զանազան խնդիրներ են լուծում: «Օտարարանությունները... գեղարվեստական գրականության մեջ գործածվում են ոճավորման (նաև՝ երգիծական) տարրեր նպատակներով»<sup>2</sup>: Հատկապես խորհրդային շրջանում ստեղծագործած գրողները ոճարանական այս հնարին հաճախ են դիմում (հիշենք Ե.Չարենցի՝ անցյալ դարի 20-30-ական թվականների բազմաթիվ գործեր, Հր.Չոշարի, Հր.Մաքեոսյանի և ուրիշների արձակ ստեղծագործությունները և այլն): Բնական է, որ օտարարանություններից չի խոսակել նաև մեր կողմից ուսումնասիրվող հեղինակը, չնայած նրա ստեղծագործության մեջ դրանք մեծ տեղ չեն գրավում: Իրավացի է Լ.Եզելյանը՝ նշելով, որ գրողների կողմից օտարարանությունների գործածումը «ֆիշպես համապատասխան միջավայրի, այնպես և առանձին կերպարների խոսքի ոճավորման նպատակադրումն է»<sup>3</sup>:

Զ.Խալափյանի գործերում հանդիպող օտարարանությունները հիմնականում ուստերեն բառեր են կամ ուստերենի միջոցով այլ լեզուներից փոխառություններ, որոնց մի մասը ժամանակին տեղ է գտնել նաև մեր լեզվի գրական շերտում, իսկ մի մասն էլ կամ նրանց ոչ ճիշտ տարրերակները բափանցել են խոսակցական հայերենի շերտը: Դրանք կարելի է բաժանել երկու խմբի՝

<sup>1</sup> Հարկ է նշել, որ Զ.Խալափյանի մի շարք գործեր բարգմանվել են ուստերեն, ուկրաիներեն, չեխերեն, բուլղարերեն, լեհերեն, իսկ հեղինակը «Ուկե եղեգն» նախագահական մրցանակի դափնեկիր է, արժանացել է «Հայաստանի գրողների միուրյամ՝ Դերենիկ Դեմիրճյանի անվան, իմացես նաև ՀՀ կառավարության և ՀԳՄ սահմանադ «Հրանտ Մաքեոսյան» մրցանակներին»:

<sup>2</sup> Լ.Եզելյան, Հայոց լեզվի ոճավորություն, Եր., 2006, էջ 152:

<sup>3</sup> Նույն ստեղում, էջ 162:

1. օտար բառեր, որոնք օգտագործում են հայ և օտարազգի հերոսները օտար լեզվով խոսելիս կամ ինչ-որ արտահայտություն անելիս,
2. օտարալեզու բառեր, արտահայտչածներ, որոնք հանդիպում են հեղինակի (հազ- վադեայ) կամ նրա որևէ հերոսի խոսքում և ունեն սույն ոճական արժեք:

Բնական է, որ ազգությամբ ոռու հերոսի կերպարի տիպականացման առաջ- նահերթ խնդիրը պետք է լիներ այն, որ նրա խոսքում ոռուերեն բառեր հնչեն: «Պատը» վիպակում, երբ սիրած ճաշատեսակն են դնում ոռու հերոսի առջև, հիացմոնքը հայտ- նում է մայրենի արտահայտությամբ. «Ոչ, չիտչա<sup>4</sup>» (ՈԷՍՍ, 418): Չարմանափի չէ, որ հարբեկուց հետո նա պիտի անպայման հայինի՝ օգտագործելով ոռուերեն արտա- հայտություն. «Պոաւել ты....» (ՈԷՍՍ, 419):

Գաղտնիք չէ, որ ուսանողների խոսքում օտարաբանությունները այսօր ել նկատելի են: Ասվածը վերաբերում է սերնեսերունդ փոխանցվող լիկվիդ, զաշոտ, զա- շոտնիկ, սեմեստր և այլ բառերին, որոնք փոխառություններ են ոռուերենից և հայերեն համարժեք միավորների առկայությամբ բավական կենսունակ: Բնական է, որ մի քանի տասնամյակ առաջ դրանք շատ ավելի էին տարածված: Սա է պատճառը, որ երբ «Երիցուկի թերթիկներ» վիպակի՝ զյուղ եկած ոռուաց լեզվի ուսուցչություն (ի դեպ, նա ազգությամբ հայ է. այդ է վկայում նրա անունը՝ Հռիփսիմե) հարցնում են, թե որ իմս- տիտուտը կամ համալսարանն է ավարտել, նա պատասխանում է. «Ես դեռ չեմ ավար- տել: Հանձնել եմ միայն չորրորդ սեմեստրի քննությունները» (ՈԷՍՍ, 287):

Հաճախ ոռուերենից հայերենին անցած բառերն ու արտահայտությունները հերոսների կողմից հնչում են աղավարված, բայց տվյալ միջավայրի համար հասկա- նալի տարբերակով: «Որտե՞ղ էիր, մարդ աստծո» վեպի հայ հերոսներից մեկը երգում է ոռուերեն երգ. «Յիսպոմիկ ժարըմի, ցիսպոմիկ վարըմի...» (ՈԷՍՍ, 17): Կամ՝ «Պատը» վիպակում «մալականի» հոգեհացին նասնակցող ոռուը հայերեն ասում է. «Ես սի- լորկա<sup>5</sup> ուտել չեմ ինանում» (ՈԷՍՍ, 418): Կամ՝ «Երիցուկի թերթիկներ» վիպակում Հայրենական պատերազմի տարիներին զյուղի՝ ուզումանակատ մեկնած ոռուաց լեզվի ուսուցչին փոխարինելու եկած ուսանողություն, առաջին անգամ մտնելով դասարան, աշակերտներին բարեւում է ոռուերենով. «Ճրատվություն»: Պարզ է, որ երկար ընդմիջու- մից հետո ոռուերեն խոսել փորձող զյուղացի աշակերտների պատասխանը պիտի լիներ՝ Զդրասատի...» (ՈԷՍՍ, 286):

Երբեմն այնպիսի իրավիճակ է ստեղծվում, որ օտարալեզու բառը շատ ավելի լավ է տվյալ մարդուն բնութագրում, քան դրա հայերեն տարբերակը: Հենց այս պատ- ճառով էլ «Սայսակ մուկը» վիպակում հեղինակի խոսքում հանդիպում ենք. «....Չնայած չեմ հավատում, բայց քո գիտությունն էլ փորձենք, - ասաց Սանատրուկը, սամողուրի սուր հայացքը նրանից չկտրելով» (ՈԷՍՍ, 465): Մեկ այլ դրվագում («Պատը» վիպակում) հաճախորդին ժամանակարկ բալանող խորամանկ մատուցողին հայ- ելյելիս հերոսը օտարաբանությունից ավելի հարմար արտահայտություն չի գտնում. «Դրա աֆերիստ... - շշնջաց գործակատար կին ունեցող Համոն» (ՈԷՍՍ, 434): Նա- խաղասուրյան երկրորդ մասը՝ հեղինակի խոսք էլ հուշում է, որ Համոյի համար սա սովորական երկույթ է, որովհետև շողոքորք ժախտը հասուն էր նաև իր կնոջ մասնագի- տությունն ունեցող մարդկանց:

<sup>4</sup> Ոռուերեն հասարականություն է, բարգմանվում է՝ «զավ լյամբ»: *Տե՛ս T. Եֆրեմովա, Совре- менный толковый словарь русского языка, 2000, հատված Երկ-չագ, էջ 23 (Ելեկտրոնային տարբերակ)*:

<sup>5</sup> Ըլեծուած (սելյուլիս - ծովատառեխմերի ցեղին պատկանող ծովային փոքրիկ ձուկ) բառի աղա- վարված ժողովրդախոսակցական տարբերակն է:

Որոշ դեպքերում էլ օտարաբանության գործածնան պատճառը հերոսի կարծիքով, այդ բառի հայերեն տարրերակի թվացյալ անհասկանալիությունն է: «Պատը» վիպակում հերոսը ներկայացնում է իր հետ եկած ընկերոջը. «Սա էլ պաժառնիկ Խոստիկն է» (ՈԷՍԱ, 434): Երկի կարծում է, թե բառի հայերեն *հրշեց* տարրերակը դիմացին անհասկանալի կլիմի: Կամ միզուցել այդ բառը ինքը չգիտի: Իսկ որ այդ օտարաբանությունը հեղինակը հատուկ միտումով է գործածում, երևում է նախորդ էջում: Հեղինակի խոսքում օգտագործվում է հայերեն բառը. «Հովսենիր բացատրեց, հասկացրեց, բայց դարձյալ *հրշեց* Խոստիկը ոչինչ չհասկացավ» (ՈԷՍԱ, 433):

Չան հաշոցը նկարագրելու ամենահարմար ձևը հեղինակը համարել է օտարաբանությունը. «Դուքը փակվեց, և խավարի մեջ մնաց հաշող շան մորգեն» (ՈԷՍԱ, 3): Ընթերցողին այս մեկ բառն էլ բավական է հասկանալու համար, որ խոսքը ընդիատվող հաշոցի մասին է:

Հեղինակը նուրբ հումոր է դրսևորում խորհրդային պետության մեջ առկա թերությունները ցույց տալու համար: Հայտնի է, որ հատկապես խորհրդայնացման սկզբնական շրջանում շատ էին օգտագործվում օտարաբանություններ, որոնք մարդկանց անհասկանալի էին և դրանով նաև ազդեցիկ դեր ունեին: Այսպես՝ երկի թե զյուղ-խորհրդում մտածել են, որ գրասենյակ հայերեն բառը չի կարող մարդկանց վրա այն ազդեցությունն ունենալ, ինչ օտարալեզու տարրերակը. «Ծենքի ճակատին տախտակ էր փակցված. «Գյուղխորհրդի կամցիկար» (ՈԷՍԱ, 8): Մեկ այլ դրվագում ոճական նուրբ հնարառ ծաղրգում է խորհրդային պետության մեջ տարածված այն երևույթը, երբ խանապարհներով ձեռք բերել պահանջարկ ունեցող ցանկացած ապրանք: Այդպիսի մի անձնավորություն է «Գիգին դեկի մոտ» վիշակի հերոսներից մեկը. «Իիման նրան ո՞վ է Սուրեն ասում, այլ հարգանքով՝ Դեֆիցիտ Շարեմիչ, պակասում էր միայն Զերդ գերազանցությունը» (ԶՄ, 69):

Խորհրդային շրջանում ոռոսամետությունը երեմն հասնում էր ծայրահեղության: Չափ ծնողներ ձգուում էին իրենց երեխաներին անպայման ոռոսական կրքության տալ, տանը խոսում էին ոռոսերեն կամ խոսքում օգտագործում ոռոսերեն բառեր, արտահայտություններ: Նույնիսկ տապանաքարերի մակագրություններն էին այդ լեզվով կատարում: Այսպես է վարկում նաև «Սպիտակ մուկը» վիշակի հերոսներից մեկը, ում հայրը զյուղում ոչ մեկի կողմից հարգանք չի վայելել (ինչպես հեղինակն է ասում, «որին կյանքում հարսանիք իրավիրած չկային»): Դա չի խանգարում, սակայն, որ որդին հոր գերեզմանին արձան կանգնեցնի՝ հետևյալ վերամբարձ և ճոռոմ մակագրությամբ. «Грудолюбивому отцу Качо Седраковичу Бек-Мурадяну, от сына Амаяка, которого народ лиобил»: Ապա հաջորդում է հեղինակի հումորը. «Ազգանվան Բեկմուրադը երկու մասի կոտրելը միտումնավոր էր, իբր, տեսեք, մենք էլ ենք բեկերից, իշխանական ցեղ ենք» (ԶՄ, 157):

Հեղինակի ուշադրությունից չի վրիպել այն, որ արհեստավոր մարդիկ իրենց խոսքում սովորաբար ավելի շատ օգտագործում են օտարալեզու մասնագիտական բառեր: Ան էլեկտրիկ Հակոբի բառապաշարը. «...մի հատ կորպուս տուրք»: Կամ՝ «Բլոկ մի՛ արա: Դիսկին ո՞նց է գլորում: Հիմա դու յոթ քաշիր, ես ինդիկատորով նայեմ» (ԶՄ, 78): Այլ դեպքերում գործածվում են ուսղիատոր (ԶՄ, 299), ակումյատոր (ԶՄ, 121), արմատուրա (ԶՄ, 123), կոնդենսատոր (ՈԷՍԱ, 66) և այլն: Օրինակ՝ ....Ուսղիատորը տաքացել է (ԶՄ, 299): ....կոնդենսատորներ են, պահեստից եմ ստացել (ՈԷՍԱ, - 66): Սիշարը մասնագիտությունների, արհեստների անուններ ևս ժողովրդի լայն զանգվածին ավելի ծանոթ են օտարաբանությամբ՝ կոնդուկտոր (ԶՄ, - 80), բուֆետչիկ (ԶՄ, - 85), մալյար (ԵՎԶԴ, - 289) և այլն: Այսպես՝ «- Ձ՛, Սարը ջան, այսօր կոնդուկտորը Վե-

դունց Մելիքի տղան է, մեր Պարզելը» (ԵՎՂԴ, 265): «Հայրենական պատերազմի հաշմանդաշին առանց հերթի մերենա է հասմում. մերենան վերցնենք ու վաճառենք ո՞ւմ, որևէ բուժետչիկ Արոյի» (ԶՄ, 85): «Վա՝ յ քո տունը շինվի, մայլարների նման ժամադրվեցինք հրապարակի այգում» (ԵՎՂԴ, 289): Այս երևոյթը շարունակվում է նաև մեր օրերում: Մեր կարծիքով, պրա պատճառը մի կողմից հայերեն հաջող համարժեքների բացակայությունն է, մյուս կողմից՝ սովորույթի և իներցիայի գործոնները:

Ուստաց լեզվից կամ ուստերենի միջոցով այլ լեզուներից փոխառյալ բառերից բացի՝ Զ.Խալախյանն անհրաժեշտության դեպքում գործածում է նաև ֆրանսերեն, թուրքերեն բառեր: Սի դեպքում թուրքերեն օտարարանությունն առանձնահատուկ կերպով է պատկերում իրավիճակը և հերոսին: Մարդը հայտնվում է զավեշտալի վիճակում, և դրա հետևանքով շրջապատի կողմից ստանում ծաղրական մականուն: Այսպես՝ «Պատր» վիպակի հերոսներից մեկը՝ նոր հարևանը, որի անունը դեռ ոչ ոք չգտներ. «Միայն մի անգամ կիրակի օրը նարդի խաղաց, քանի գցում էր՝ իքի-թիր էր ընկնում, այսինքն՝ երկու-մեկ: Անոնք որին՝ *Իքիրիր*» (ՈԷՍՍ, 364):

Հաճախ օտարարանությունների միջոցով հեղինակը համապատասխան միջավայր է ստեղծում: Հատկապես աղբքեջանարնակ հայերի լեզվում առկա էին աղբքեջաններեն (թուրքերեն) բառեր, արտահայտություններ: Սրանով է բացատրվում Զ.Խալախյանի «Որտե՞ղ էիր, մարդ աստծո» վեայի հերոսուիկներից մեկի «Սիարի քանի՞սն է» հարցում օտարարանության գործածությունը:

Արտասահմանյան երկրներում ապրած հայը իր խոսքում անպայման պիտի օգտագործի օտարալեզու բառեր: «Պատր» վիպակի նարսեցի հերոս Կարային Սիմոնյանը Հայաստան այցելած իր ֆրանսիացի կնոջ տպավորություններն է բարգմանում հայերեն. «Հայաստանը մեզ համար, ըրըմ, տիկինս ասում է, ըրըմ, անչափ, ըրըմ, տիկինս ասում է, ըրըմ, մենք չենք գիտեր, որ այսքան սիմիլիսացիոն, ըրըմ, քաղաքակիրք ժողովուրդ եք», ապա շարունակում է. «Գերեց, գերեց մեզ, իմադեսայոն, ըրըմ, տպավորիչ, ասում է տիկինս, գիտեր, դաշտեր, լեռներ, Արարատ...» (ՈԷՍՍ, 410):

Պատահում է, որ օտարարանությունը ավելի է շեշտում, սաստկացնում խոսքը, այդ պատճառով էլ հերոսը հայերեն բառին ավելացնում է դրա օտարալեզու տարբերակը: «Պատր» վիպակում, դիմացինի սուս խոսքից զայրանալով, հերոսը նրա երեսին շպրտում է. «Նա պսակված է եղել քեզ հետ, սուս ես խարում... Վերջ, ֆիճի, ել չխսւես...» (ՈԷՍՍ, 433): Իսկ «Որտե՞ղ էիր, մարդ աստծո...» վեպում տեսնում ենք հակառակ երևոյթը. օտարալեզու բառով արտահայտված երևոյթը սաստկացվում է հայերեն տարբերակով. «Նա սարուտած է, վնասարարություն<sup>6</sup>» (ՈԷՍՍ, 63):

Ոչ մի տեղ չառվորած, բայց բուժակ աշխատող անձնավորությունը գիտի մարդկանց հոգեբանությունը, նրանց վրա ազդելու և իր խոսքերի ճշմարտությունը հաստատելու համար նա ներկայանում է որպես չորս լեզվի տիրապետող: Բնական է, որ նա պատեհ առիթը բաց չի քողմում իր այս առավելությունը հիշեցնելու. «Խնորդն, խկական փարիզյան կապսուլ, կարդացեք՝ Santal Midy: Իսկ այս մեկը, նայեցեք՝ capsules au Matico, հոնորեի դեմ» (ՈԷՍՍ, 27):

Մի շաբթ օտարալեզու բառեր մտել են մեր բառապաշար և չունեն իրենց հայերեն տարբերակները: Դրանք գերազանցապես եզրույթներ են՝ դեղանուններ, գի-

<sup>6</sup> «Արդի հայերենի բացատրական բառարան»-ում Է.Աղայանը երկու բառերն էլ համարում է գրական լեզվին հատուկ (տե՛ս Է.Աղայան, Արդի հայերենի բացատրական բառարան, Եր., 1976, էջ 1266; 1396): Ասվածի վկայությունն է այն, որ անվանի լեզվաբանը դրանց դիմաց խոսքի որևէ այլ ոճի պատկանելու մասին նշում չի կատարում: Կարծում ենք, որ այսօր սարուտած օտարարանություն պիտի դիտել: Այս փաստը բառապաշարի ամընդհատ զարգացման ապացույց է:

տական բառեր, ինչպես նաև հագուստի, խաղերի անուններ և այլն: Զ.Խալաֆյանի ստեղծագործություններում ևս համբառում ենք նման բառերի: «Սպիտակ մուկը» վիպակի հերոսը «գրպանից հանեց պեճիցիլինի փոքրիկ սրվակը, քիչ նայեց, ապա դրեց սեղանին....» (ՈԷՍՍ, 482): Կամ՝ «Սահակ, դրա ականջի ետևը իշտիու քսիր» (ՈԷՍՍ, 4): Մեկ այլ դրվագում («Որտե՞ղ է իր, մարդ աստծո...» վեպում) հանդիպում ենք. «Չորս-հինգ հոգի երգեցին, խվական արեխստմեր....» (ՈԷՍՍ, 61): Կամ՝ «Կար նաև կարմիր գաղիքնով մի մարդ» (ՈԷՍՍ, 6): Կամ՝ «....ազատ ժամերին դոմինո էին խաղում», ինչպես որ տարածված էր անցյալ դարի կեսերին (ՈԷՍՍ, 21):

Ինչպես վկայում են վերը բերված որոշ օրինակներ, օտարալեզու բառեր հանդիպում են նաև հեղինակային խոսքում: Սա հատկապես նկատելի է Զ.Խալաֆյանի վաղ շրջանի գործերում (20-րդ դարի 60-ական քր.), և կարծում ենք՝ պայմանավորված նաև հեղինակի ոչ մասնագիտական կրթությամբ: Այսպես՝ «Պատը» վիպակում տղաները ներս մտան. «....շիշը դրին քութետին» (ՈԷՍՍ, 434): Կամ՝ «-Ծեծած մսով, - ասաց մատուցողը՝ բլոկնոտն ու մատիսը հանելով» (ՈԷՍՍ, 233): Կամ՝ «Սրահների հատակը պատած էր երկնագույն լինուելուն» (ՈԷՍՍ, 253): Անգամ նույն ստեղծագործության մեջ հեղինակը մի դեպքում գործածում է օտարաբանությունը, իսկ մի քանի էջից հետո՝ դրա հայերեն տարրերակը: Այսպես՝ «Գիզին իր բերքը գիտեր, իր ռեկամը....» (ԶՍ, 99): Բայց՝ «Մեկը եկել էր խմբագրություն, գովազդ էր բերել....» (ԶՄ, 102): Չենք բացառում, որ ընդգծված և այլ (ստեղիլզատոր (ՈԷՍՍ, 75), գրաֆին (ՈԷՍՍ, 76) և այլն) օտարաբանությունների գործածումը կապվում է ժամանակաշրջանի՝ 20-րդ դարի 60-ական թվականների հետ, երբ օտար, հատկապես ուսուերեն բառերի օգտագործումը սովորական երևոյթ էր մեր հասարակության մեջ: Նշենք, որ ուշ շրջանի ստեղծագործություններում հեղինակը ավելի հետևողական է այս հարցում:

Չափ փիսառություններ ժամանակի ընթացքում վերածվում են օտարաբանությունների: Սա տեղի է ունենում այն ժամանակ, երբ տվյալ օտարալեզու բառի հայերեն համարժեքը գործածության է դրվում լայն խավերի կողմից՝ դուրս մղելով առաջինին: Սակայն քանի դեռ այս երևոյթը տեղի չի ունեցել, լեզվում այն իր տեղն ունի: Կարծում ենք, թե Զ.Խալաֆյանի վերոհիշյալ ժողովածուներում հենց այս պատճառաբանությամբ կարելի է բացատրել պիշակ (ՈԷՍՍ, 6), ժիշես (ՈԷՍՍ, 6), քրուն (ՈԷՍՍ, 7), ռելս (ՈԷՍՍ, 22), շոփեր (ՈԷՍՍ, 14), ալպիհիստ (ՈԷՍՍ, 23) և այլ օտարաբանությունների առկայությունը: Է.Աղայանը նշում է. «....շատ հաճախ այս կամ այն հասկացությունն արտահայտելու համար գուգահեռաբար գործածվում են հայեցի և փոխառյալ բառերը՝ նույն հասկացության արտահայտության համար, որոնց միջև, բնականաբար, տեղի է ունենում նրանքությունն, որ հանգեցնում է մեկի կամ մյուսի հաղթանակին: Հաճախ է պատահում նաև, որ որոշ ժամանակ գործածվում է միայն փոխառյալ բառը, մինչև կազմվում է հայերեն հաջող համապատասխանը և դուրս մղում նրան»<sup>7</sup>: Իսկ Լ.Եղիշյանը նկատում է. «....օտար լեզուներից փոխառնված, վերցրած բառերը փոխառություններ են, քանի դեռ տվյալ լեզվի բառապաշարում նրանք չունեն իրենց համապատասխան, ազգային համարժեք ձևերը, իսկ երբ արդեն դրանց համարժեքներն ստեղծվում են տվյալ լեզվի համապատասխան բառակազմական միջոցներով, նշված փոխառությունները դարնում են օտարաբանություններ»<sup>8</sup>: Այդպես է նաև վերը նշված բառերի պարագայում:

Որքան էլ որ օտարաբանությունները գրական լեզվի համար անթույլատրելի, մերժելի երևոյթ են, այնուամենայնիվ, գեղարվեստական խոսքում, մասնավորապես՝ Զ.Խալաֆյանի ստեղծագործություններում նրանց դերը նկատելի է. ինչպես ցույց է

<sup>7</sup> Է.Աղայան, Ընդհանուր և հայկական բառագիտություն, Երևան, 1984, էջ 187:

<sup>8</sup> Լ.Եղիշյան, ճշգլ. աշխ., էջ 152:

տալիս քննությունը, հեղինակը սովորաբար ոճական այս հնարքը միշտ օգտագործում է տեղին: Օտարարանությունները կարևոր են կերպարների տիպականացնան, անհրաժեշտ իրավիճակ ստեղծելու գործում: Նրանց միջոցով հեղինակն ստեղծում է ասելիքի արտահայտման յուրահատուկ ձև, լուծում լեզվածական և գեղարվեստական խնդիրներ:

**Համառոտագրություններ**

**ԵՎԶԴ - Զ. Խալաֆյան, Եվ վերադարձնելով Ձեր դիմանկարը, Եր., 1978:**

**ԶՄ - Զ. Խալաֆյան, Զերմանց միսիրարություն, Եր., 1979:**

**ՈԵՍՊ - Զ. Խալաֆյան, Որտե՞ղ էիր, մարդ ասոծո, Եր., 1983:**

## СТИЛИСТИЧЕСКАЯ ЗНАЧИМОСТЬ ВАРВАРИЗМОВ В ПРОИЗВЕДЕНИЯХ З. ХАЛАПЯНА

Резюме

A. Саргсян

Насколько варваризмы для литературного языка были бы недопустимым, неприемлемым явлением, тем не менее, в художественной речи, в частности, в произведениях З. Халапяна, они играют важную роль. Автор этот стилистический прием использует всегда уместно. Варваризмы имеют большое значение в описании типажей, в создании необходимых ситуаций. С их помощью автор создает уникальную форму выражения, разрешает различные стилистические и художественные проблемы.